

光緒重修安徽通志

重修安徽通志卷四十三

輿地志

關津五

廣德州

苦嶺關州東南七十里路通浙江安吉州界亦險隘處明正德十二年孝豐賊湯毛九倡亂知州周時望設民兵守禦於此四安鎮州東五十里與浙江長興縣接界陸行通道宋建炎中烏珠自廣德經此陷獨松關卽其地

杭村鎮州西七里有巡檢駐守

右廣德州關市

誓節渡州西五十里唐末黃巢作亂土人張姓者率鄉兵捍之誓死不屈遂沒於溪故名

滄河渡州北二十里

朱灣渡州東北四十里路通浙江長興縣

管埠渡州北二十里

倉橋州南豫備倉前

節義橋州南十里

永興橋州南二十里

土橋州南四十里

梅花橋州北門外知州鍾振築鳳皇墩於橋左更名鳳皇橋

樸水橋州北五里

西澗橋州北十五里

新河橋州東門外

楊邯橋州北二十里俗名楊菴橋

武定橋州治東舊名迎貞因屢圯立真武廟以鎮之易今名二
延壽橋州東十里

復古橋州治東舊名寺河橋

浮潭橋州東二十里

星橋州東五里跨無量溪其水南合牛首山分流嶺乾溪諸源
匯爲一注南湖入江舊傳此地星隕爲石因名

歲豐橋州西門外跨濠河舊名城河橋

濯纓橋州西門外跨玉溪

英溪橋州西北三十里

白鷺橋州西北三十五里

大橋州西北五十三里

雄溪橋州西北七十里

杜杭橋州東南二十里

碧溪橋州東南三十里

冷水澗橋州東南四十里

吳馬橋州西南五十里

右廣德州津梁

廖店鎮建平縣東十里

鴉山鎮縣南九十里

梅渚鎮縣北三十里明置巡檢今因之

卽步鎮今縣治宋端拱元年以廣德縣卽步鎮置建平縣

上橋鎮縣北四十里

下橋鎮縣北四十里

鍾橋市縣北十里亦曰鍾橋街

定步市縣北四十里一名鄧步亦曰定埠街

右建平縣關市

清溪渡縣城南舊有普濟橋後圯易以渡

歐陽渡縣東三十五里

合溪渡縣東南三十里

赤山渡縣西南五里

李村渡縣西南二十五里

東夏渡縣西二十里

荆軻渡縣西北三十五里

丁塘橋縣南三里宋慶元初建

許家橋縣南二十五里宋寶慶中建

龍潭橋縣南四十五里宋淳熙中建

青碧橋縣南八十里宋瀉熙初建

通津橋縣北一里宋建一名楊家橋

鍾橋縣北十里宋寶慶中建

泗州橋縣南六十里宋建

北高橋縣北三十里

洪橋縣北三十五里宋建

通京橋縣北四十里

雙橋縣東北十里

諸家橋縣東北二十五里

清溪橋縣東北三十里

大澗橋縣東北六十里

廖店橋縣東十里

沙橋縣東二十里一名上神橋

孝義橋縣東二十五里宋紹定中建

鳳皇橋縣西二十四里宋淳熙初建

三峽橋縣西二十五里宋紹定四年建其水出三山之峽故名

飛鯉橋縣西南二十五里

楊村橋縣西南三十里

宋家橋縣西北五里宋建

烏泥澆橋縣西北十五里

永福橋縣梅渚鎮北

西梅橋縣北三十里梅渚鎮西宋建

右建平縣津梁

六安州

麻埠鎮州西南九十里卽故邊城郡治明初有巡檢萬曆二年改設把總以防礦賊後裁

國朝康熙五十年移和尚灘巡檢駐此

何陞集州西一百二十里

烟墩集州西四十里又迤南爲蘇家埠

新店州西南二百二十里金家砦

雙河集州東南九十里河北接合肥界

右六安州關市

上龍津渡州通濟門外俗名上大埠口

下龍津渡州武定門外俗名下大埠口

蘇家埠渡州西南四十里

斷牌洪渡州西四十里

兩河口渡州南七十里

通濟橋州西門外

安定橋州北門外

永壽橋州西七里

白沙橋州北十里

樊通橋州南十里元致和中建

雙龍橋州東四十里元至正中建

廣濟橋州西南五十里

荻衝橋州南七十里

木場鋪橋州北四十里

孝感橋州西北六十里

右六安州津梁

柳林關英山縣東七十里

石門關縣西北九十里與湖廣羅田縣接界

七引關縣西八十里路通霍山有巡檢

隘口縣東南三十五里與太湖縣接界極爲險要

楊柳灣市縣東北三十里

雷家店市縣東北四十里

東界嶺市縣東北一百里

大坂河市縣南十五里

百丈橋市縣南二十里

方家背市縣南三十里

土門潭市縣北十五里

縣志作五十五里

金家鋪市縣北三十里

傅家壩市縣北六十里

清正街市縣北九十里

右英山縣關市

三河口渡縣西二里

崇安橋縣治西今圯

金家橋縣南三里

百丈橋縣南二十里

太平橋縣西北三十里

義橋縣東九十里

牛軛嶺橋縣西百里

右英山縣津梁

梅子關霍山縣東二十里梅子嶺上

金雞關縣西四十里南北兩關對峙路出英山

下符橋鎮縣東北二十里

黑石渡鎮縣西二十里

管家渡鎮縣南三十里

上土市鎮縣西南一百四十里有巡檢舊置於故埠鎮後改鎮
爲縣因移駐此

干羅畝鎮縣西北一百八十里舊有巡檢乾隆五十四年裁

中埠河鎮縣南四十里

右霍山縣關市

中埠河渡縣南三十里今廢

管家渡縣南三十里

黑石渡縣西二十里

化龍河渡縣北門外今廢

白練灘渡縣西北十里

東平橋縣東二里舊名孫家橋

撞山橋縣北三里迎水寺下

太平橋縣北門外城東濠水由此達河

通光山橋縣北十里

淮西第一橋縣北二十里

洛陽橋縣東二十里今廢

會龍橋黑石渡西北

右霍山縣津梁

泗州

義市鎮州舊治城三里一名金店又名管公店

重修安徽通志

卷四十三

輿地志

泗州

七

青陽鎮舊治青十五里

龍窩鎮舊治招五里

包家鎮舊治城四里

雙溝鎮舊治青十一里

上塘鎮舊治仁五里

歡墩鎮舊治辛五里

竹墩鎮舊治東南路通天長六合爲江甯之徑道

鐵佛寺集舊治招六里

石家集舊治青四里

馬公店集舊治西青七里

湯家集舊治北

右泗州關市

驛前渡州舊治泗水驛前一名大馬頭渡今廢

橋口渡舊治南門外今廢

頭鋪河渡舊治東南一百六十里

雙溝渡舊治東南九十里

胭脂橋舊治南門外橋下有池水色紅紫名胭脂河故名

濯清橋舊治南門外

渭橋新治北五十里北通白陽河南通長直溝至五河入淮亦

漕運之閒道

攔駕橋舊治北青陽集西

斷仙橋舊治西北一百五十里重岡山下接虹縣界又汴泗橋

在州治西跨汴水永甯橋在西門內天梯橋在察院南今俱沒

於水

官莊橋舊治西北影塔湖側

右泗州津梁

盱眙關盱眙縣北

龜山鎮縣東北三十里龜山下南宋屯重兵於此元豐九域志
盱眙縣有盱眙平源龜山三鎮

舊縣鎮縣西北六十里卽宋招信縣治舊設巡檢今裁

木場鎮縣西南元豐九域志招信縣有木場鎮

三官集縣東四十五里

義井集縣東南二十里

通淮集縣東六十里接山陽縣界卽翟家壩

東永興集縣東四十五里

岡村集縣東六十里

高廟集縣南三十里有東西二集

古城集縣西南六十里接來安縣界

津里鎮縣西南七十里俗名津泥集

石壩集縣西南一百里

紅廟集縣西南一百二十里

縣志作西九十里

澗溪集縣西南八十里水道通商爲邑之首鎮

獨樹集縣西九十里

大義集縣西北八十里

浮山集縣西北一百里

縣志作一百二十里

土沛集縣西北一百二十里

右盱眙縣關市

喬家橋縣東二十里

四十里橋縣南四十里

自來橋縣南四十里橋南

豐登橋縣東北

洪澤橋縣南二十里跨古河

灑金橋縣西南今存遺塚

寶積橋縣西南三里寶積山下

三星橋縣東霧潤淨土庵下

拖板橋縣北

右盱眙縣津梁

下阿村天長縣東北下阿溪上接高郵州界寘宇記唐開元中於下阿村置千秋縣卽此

蘆龍鎮縣東二十里

秦蘭鎮縣東四十五里

汭澗鎮縣西南四十五里

銅城鎮縣西北四十五里元豐九域志天長縣有銅城石梁二鎮

城門鄉鎮縣東北四十五里相傳舊嘗置縣於此有巡檢

大儀鎮縣東南六十里接揚州江都縣界宋韓世忠嘗屯兵於此

龍岡鎮縣東北五十里接高郵州界

楊村集縣北二十里

金家集縣東南三十里

萬安集縣東二十五里

便益集縣西北二十五里

右天長縣關市

新河橋縣東城市外

七里橋縣南七里

鷓口橋縣北十八里宋紹興初韓世忠別將敗金於鷓口橋卽此

汴子橋縣東南二十里

蘆龍橋縣東二十三里

白馬橋縣東三十五里

秦蘭橋縣東四十五里

香溝橋縣東五十里

濟美橋縣西三十里卽古石梁橋歲久傾圮明崇禎時重建更

名三驄橋久廢今設渡

王橋縣東北十里

便民橋縣西南四十五里汶澗鎮元至正閒建

右天長縣津梁

安瀾集五河縣南三十里下臨長淮爲水陸通衢一名安淮集

三岔集縣南四十里有公館

三鋪集縣西南仁一里接鳳陽界

永興集縣西二十里

築臺集縣西四十里

雙忠集縣北二十里通虹鄉大路

上店集縣西三十五里滄河南岸明正統閒置巡檢尋裁

園宅集縣西六十里接靈璧界

大興集縣東賓陽門卽今大興街

右五河縣關市

浮山渡縣東四十里

蔡家湖渡縣西一里

築臺集渡縣西五十里

縣志作治南
三十五里

園宅集渡縣西七十里

峽石渡縣南十五里今名香廟渡

三岔新集渡縣南四十里南岸卽臨淮

武家渡縣北三十里

熙登橋縣南一里跨古滄河

橫金橋縣南三里金岡背下

南沱橋縣北二里陡岡下

三衝橋縣西南二十里三衝溝

榮家橋縣東北十七里

北沱橋縣北三里故軍店南

便意橋縣西南仁三里有土壩東通臨淮關西通草場湖鳳陽界

雙忠橋縣北二十里雙忠廟迤西

界溝橋縣北四十里虹鄉界南

古鐵橋縣東南二里淮河中流水涸則兩傍鐵柱出焉相傳爲古時鎮蛟處

截河橋縣西三十里上店集南

躍龍橋縣西南二十五里赤龍澗

石橋縣西南三十五里石橋鋪

刀澗橋縣西南四十五里磨刀澗

八林橋縣西南六十里八林鋪

右五河縣津梁

重修安徽通志卷四十四

輿地志

古蹟一

地志載古蹟始於王象之劉昭注郡國志已附見經史故實其
來遠矣非攬勝也古今盛衰廢興之跡備焉殆與沿革可相表
裏今采諸書先以國名故城次以第宅之屬同出一書必取最
先之說其舊志所載不盡雅馴從俗存之或加按云金石文字
舊志附此猝難廣輯另成卷帙亦姑仍焉述輿地志古蹟

安慶府

宜城卽今府治宋史地理志安慶府端平三年移治羅剎洲又
移治楊槎洲景定元年始築宜城景定建康志宜城雁汊對岸
要害處吳魏相拒時嘗設疑城於此其後譌疑爲宜一云晉郭

璞謂此處宜城故稱宜城今有宜城渡在府西東濟門外爲南
北渡江要津又東門外有宜城鎮

呂蒙城在府東樅陽門外二里臨江一統志懷甯縣東二十里
相傳三國吳呂蒙所築今爲水次故倉址又一在桐城縣東相
傳亦呂蒙所築

樅陽故城在桐城縣東南一百二十里左傳文公十二年楚子
孔執舒子及宗子遂圍巢杜注宗國名羣舒之屬卽樅陽也漢
書武帝紀元封五年自潯陽浮江徧樅陽而出晉書陶侃傳云
初領樅陽令而志無此縣蓋嘗復而尋廢也梁書鄱陽王恢傳
子範鎮合肥侯景圍京邑範乃沂流西上軍於樅陽翊字記樅
陽故城在桐城縣東南一百里漢置樅陽縣屬廬江郡梁改縣
爲樅陽郡隋初割屬熙州開皇十八年徙廢舊志元至正十九

年陳友諒之黨趙普勝據安慶結寨樅陽卽舊縣也今有樅陽
上下鎮明初置稅課局正德中裁

魯鎮城在桐城縣南七十里相傳吳魯肅屯兵於此

同安故城在桐城縣東門外舊宇記隋大業九年築十三年爲
李子通所陷因廢隋書地理志梁置樅陽郡隋開皇中廢郡改
縣曰同安舊唐書地理志同安縣取界內古城爲名

山城一名山焦城在桐城縣東南唐書地理志桐城本同安至
德二載更名自開元中徙治山城地多猛虎毒虺元和八年縣
令韓震焚薙草木其害遂除

連城在桐城縣東南一百二十里唐書張儉傳儉祖威封皖郡
父植封連城卽此

六兒城在桐城縣南十五里明初黃榮六所築

孔城在桐城縣東三十里宋史李顯忠破敵於孔城卽此
古巢城在桐城縣南六十三里史記成湯放桀於南巢卽此城
凡三重俗稱古重城

懷甯故城卽今潛山縣治漢置皖縣晉置懷甯縣隋改熙州唐
武德四年改舒州以懷甯爲州治南宋爲安慶府端平中以城
去江遠控禦爲難乃徙治羅刹洲而故城遂廢元至治三年始
置潛山縣

安樂故城在潛山縣南唐武德五年析懷甯縣置是年省寰宇
記在懷甯縣南二十里古武功城內武功城梁天監七年大將
武會所築也

梅城故城在潛山縣北唐武德五年析懷甯縣置七年省寰宇
記在懷甯縣北七十里故龍鳴城內龍鳴城齊天統三年行臺

右丞盧潛屯兵所築時龍鳴城中移軍在外因號龍鳴城

皖陽故城在潛山縣北二十二里唐武德五年析懷甯縣置七年省甯字記其城居皖水之北故名府志今之山口鎮卽舊皖陽也舊城隍廟至今猶存

皖城故縣在潛山縣北甯字記唐武德五年析懷甯縣置在古逢龍城內魏志臧霸討吳將韓當當逆戰於逢龍鎮卽此

連塘城在望江縣西北茗山下委土爲塹周二里門四相傳劉裕與盧循戰處遺壘尙存

古桐國在桐城縣北左傳定公二年桐叛楚杜注桐小國世屬於楚廬江舒縣西南有桐鄉是後漢書郡國志舒有桐鄉路史國名紀桐鄉有三一在舒城

陰安廢縣在桐城縣東南八十里本漢魏郡屬縣在今大名府

界陞牙時舊置於此籍字記陰安故城在桐城縣東南一百八
十里劉宋置隋開皇三年罷郡縣遂省

呂亭廢縣在桐城縣東北宋書州郡志文帝元嘉二十五年以
豫部蠻民立呂亭縣屬晉熙郡籍字記有呂亭山在縣北十七
里縣志相傳吳呂蒙駐師於此今置驛

太湖左縣在太湖縣東北二里卽今東嶽廟舊字記劉宋文帝
元嘉二十五年置在龍山太湖水之側元嘉末移就平原去舊
縣三十八里

東陳廢縣在太湖縣東四十四里齊高帝建元二年置屬龍安
郡陳太建五年廢

青城廢縣在太湖縣東四十里本魏將曹仁築唐書地理志武
德四年析太湖置青城荆陽二縣七年省青城入荆陽八年省

荆陽入太湖縣志青城今名上格城

荆陽廢縣在太湖縣東四十五里其城依據山險唐書地理志

武德四年置八年省入太湖

松滋

漢志作茲

廢縣在宿松縣北五十里漢元始五年封六安共王

子霸爲松滋侯國於此寔宇記宿松縣在舒州西南一百六十

里本漢松滋縣

同安監在潛山縣東元豐九域志在舒州東八十里宋史地理

志同安監熙甯八年置鑄銅鐵

正氣樓在府正觀門外余忠宣闕廟左山阜

四望樓在府治東登眺四望江山風景舉在目中

中江樓在府鎮海門外江汜

潛峯閣在潛山縣北明統志在故州泊之通判廳宋王安石通

判時讀書處

擢秀閣在潛山縣北五里輿地紀勝宋陳瑩中嘗於此讀書後擢第黃庭堅因以擢秀名閣

天柱閣在潛山縣明統志在舊郡圃宋郭祥正曾宏父皆有詩久廢府志今在府治正觀門外大江許明郡守胡績宗建登閣西望天柱巋然

太子閣在潛山縣天柱寺相傳梁昭明讀書處

紫玻璃亭在府城雙蓮寺後明劉若宰讀書處夢神以紫玻璃授之因以名亭

天開圖畫亭在府學後枕山面江爲郡佳勝元余闕有詩

惜陰亭在桐城縣東南樅陽鎮晉陶侃令樅陽後人慕之取其當惜分陰之語爲建此亭

時公亭在桐城縣北二里府志漢邑令時姓者休致於此故名
建觀亭在桐城縣樅陽鎮宋黃庭堅讀書於此

傅巖亭在潛山縣宋李師中爲王介甫築

古石亭在潛山縣東北三國志吳主孫權至皖口使將軍陸遜
等敗魏揚州牧曹休於石亭卽此

橋公亭在潛山縣北三里谿字記在縣北隔皖水一里卽漢末
橋公所居今爲雙溪寺

涪翁亭在潛山縣西北二十里山谷寺中以宋黃庭堅得名又
有涪翁書臺

止涪亭在太湖縣白雲山海會寺宋嘉定趙容之創明嘉靖二
年寺僧得石刻曰止涪復建此亭

清風亭在宿松縣東郭外三里潛佳山李白贈閻邱詩有一朝

風化清之句因以名之

梳妝亭在宿松縣南一百四十里小孤山頂名勝志小孤山西小孤廟對岸爲澎浪港俗譌爲彭郎遂有小姑嫁彭郎之說後人又建梳妝亭附會之

對酌亭在宿松縣南臺山李白與閻邱某舉杯邀月處

純孝亭在望江縣南臺寺側宋紹興中邑令趙師傳建合祀吳孟宗晉王祥唐徐仲源三孝子淳熙中趙師循爲令更繪三賢像祀之

立化亭在潛山縣山谷寺爲三祖燦合掌立化處

廉泉亭在望江縣西十里寺廉泉之上

超然臺在府治東北雙蓮寺右元虞集有詩

射蛟臺在桐城縣樅陽鎮相傳漢武帝射蛟處漢書武帝南巡

登天柱山自潯陽浮江親射蛟江中獲之

祭臺在潛山縣皖山麓漢武帝祭嶽處

皖伯臺在潛山縣明統志在舊太平寺前以周大夫封皖伯而名

仙人臺在潛山縣白鹿巖東北廣五丈上有仙人足跡又有一臺在金鐘潭上平石可坐百餘人石上有百餘字剝落不可辨天樂臺在潛山縣明劉若實渡石梁踞天池鼓琴聞空中奏天樂有異禽千數從天柱飛來音同笙磬

舒王臺一作舒臺在潛山縣東南相傳朱王安石讀書處安石後封舒王因以名臺

煉丹臺在太湖縣香茗山府志相傳漢梅福煉丹於此

焚身臺在太湖縣證明山府志昔有僧法寶禱雨不應遂焚身

卽得雨嘗有燈光見其處

分經臺在宿松縣北五十里有石臺高百餘丈相傳梁昭明太子於此分金剛經爲三十二分因名宋嘉泰閒增建法華亭
釣魚臺在宿松縣陳漢山溪旁相傳唐張果垂釣於此

讀書臺在宿松縣南三里相傳唐李白脫永王璘軍至宿松依
邑宰閻邱某築臺讀書於此

孟宗臺在望江縣北山阜穹起若臺相傳孟宗爲監池魚官嘗
登此

泣筍臺一名泣竹臺在望江縣城內三孝祠後相傳吳孟宗母
嗜筍嚴冬宗攀竹而泣筍卽破土出朱蕭服爲望江令訪古蹟
得王祥臥冰池孟宗泣筍臺皆爲築亭又刻唐縣令翹信陵文
於石以勵民俗

國朝康熙十八年知縣陳柿祚立碑

太白讀書堂在望江縣西十八里脩雪山府志李白避祿山之亂於匡廬司空閒往來雷池值雪乃築室於此讀書又一在太湖縣司空山有詩云卜築司空原卽其地也今遺址尙存左真人仙堂在潛山縣眞源宮唐寶曆二年建開成五年張虛白撰記

雲會堂在潛山縣眞源宮宋慶元五年建

靜山堂在潛山縣治舊郡堂也宋王安石詩皖城終歲靜於山府掾應從到日間後人摘其詩句名堂

九帶堂在桐城縣浮山會勝巖上宋僧法遠垂帶示眾處又巖上有歐陽修與僧法遠拈碁說法遺址

二祖禪堂在太湖縣與司空山近

重修安徽通志卷四十四 輿地志 古蹟

三孝堂在望江縣治北元至正中建爲吳孟宗晉王祥唐徐仲源也後改爲祠

涪翁書堂在潛山縣黃山宋黃庭堅讀書處

三至堂在府治東明統志宋元豐間郡守楊希元建其祖澹化中守皖父天聖中爲通判至希元凡三至郡故名考府治自端平三年始徙今處其初治在今潛山縣楊希元三至堂宜在懷甯故縣明統志誤

大節堂卽今府堂元季郡守韓建拒盜保城余闕因以大節名其堂並作記

孟宗宅在望江縣西北一里卽泣竹生筍處

英輔齋在潛山縣太平寺東宋王珪讀書處

萬松山房在府西門外宋馮京讀書處

青山石屋在桐城縣城中晉裴仙人修煉處

龍眠山莊在桐城縣西北龍眠山宋李公麟爲泗州參軍歸老於此號龍眠居士自繪龍眠山莊圖蘇轍有龍眠山二十詠蘇軾爲之跋云山側爲

國朝大學士張英賜金園

松壑別墅在潛山縣撥蒿阪宋處士金良貴棲隱之所

練潭館在桐城縣西南明王守仁有練潭館詩

西溪館在潛山縣城西寰宇記唐刺史呂渭喜舒州山水於城西設館覽一州之勝

白雲舊里在府城正觀門外宋白雲守端禪師於此悟道

昭賢里在望江縣北八里唐孝子徐仲源事母以孝聞母卒遇雷雨輒伏墓側呼號德宗敕號所居里曰昭賢鄉曰孝感又敕

於母墓傍築孝義墩白華軒今墩尚存

順孫里在望江縣涼泉明嘉靖閒龍涌事祖母以孝聞詔樹慈順坊於其里故名

蓮花書院在望江縣小茗山漢梅福曾避地於此至唐羅隱復來居之洞竈遺址尚存

禹江書院在宿松縣治西明郡守李遜講學處

慈湖書院在望江縣慈湖阪元王幼學讀書講學於此著有綱目集覽幼學別號慈湖

二良書院在府治東爲文翁朱邑建

雨社在宿松縣西十里漢縣令張何丹禱雨處

藤墩在府東城內舊有大樹覆墩垂藤如織

酒島在潛山縣山谷寺前有石島色殷紅如赤玉清流映徹光

彩絢爛如霞潛山十景之最也

太子墩在懷甯縣西北八十里欽化鄉相傳魏武帝至此生子令三軍掘土爲墩以紀焉

長風沙在府東六十里李白長干行云相迎不道遠直至長風

沙卽此亦名長風城齊吳子陽與豫州刺史戰於此按府志齊

陽段魏與豫州刺史戰長風城舊志本北而矢段魏字然北魏疆域不及安慶何以復舉於此妄誤宋周湛充江

淮制置使謂長風沙最險者石牌灣壘河十里避之

皖口在府西十五里爲皖水入江之口相傳唐李涉遇盜投詩處

將軍沖在府北門外元余闕引江水通五濠三壑屯兵於此以拒僞漢

仙田在宿松縣北五十里卽西漢松滋縣治匡阜真人修煉於

此後張何丹爲令時有嘉禾無種自生故名

晉陵阪在府北四十里大豐鄉獨山之下有大阜隱隆若釜卽陵也不知何代昔嘗有人開田見石門遂止其旁累累皆疑冢玉鏡鄉在潛山縣北寔字記唐貞元二年皖山東南忽然爆裂皎然如玉行路遠見如鏡圓爲刺史呂渭奏聞因改萬歲鄉爲玉鏡鄉府志一名玉照以朱黃庭堅詩仙人持玉照畱在潛峯西故也

白鹿洞在潛山縣天柱山寔字記唐天寶中有二鹿見故名

石牛洞在潛山縣二十里山谷寺西大石如牛眠旁有蹊跡明統志朱黃庭堅嘗讀書石上李公麟爲之繪圖庭堅題詩其上所謂青牛駕我山谷道是也又有石牛精舍在山谷寺中

石蓮洞在宿松縣南五里石屋嵌空若青色芙蓉上鐫三字爲

唐羅隱筆

流雲峽在宿松縣嚴恭山峭石插天飛泉出罅宋蘇軾題曰流

雲峽

按縣志作明程大猷書

南夾戍在桐城縣北四十七里寔字記張遼所築在古廬州南故名縣志西峽山在縣北四十七里卽古南夾戍也

六百丈在桐城縣東二百里樊若水乘小舟載絲繩以度江之廣狹此處闊六百丈故名

大雷戍卽今望江縣治晉時置戍寔字記晉安帝於此立新治縣亦爲大雷戍宋書注云自尋陽柴桑沿流三百里入江卽新治縣也卽爲大雷戍隋改今名舊志宋末嘗遷治於東流之香口鎮元初復還舊治

新寨在太湖縣西十里新寨山壁立險阻元末邑人立寨其上

木鵝洲在桐城縣東南百二十里縣志相傳南唐與周世宗割江爲界以木鵝浮江中隨所之以定南北鵝乃循洲入小港而下因名

海眼在宿松縣小孤山江中宋謝枋得詩人言此是海門關海眼無涯駭眾觀卽指此也

浮笠洲在宿松縣龍湖中府志昔有仙人煉丹於沙渚汀圓如笠隨水上下夜常有笛聲漁人夢寐中髣髴有聞者翼日獲魚必多

大勝磯在府城西二十里府志明巡撫史可法大敗流賊於此故名

釣魚磯在太湖縣龍山崖下懸崖峭壁有大石橫於水上字甚古剝落不可盡辨中有云波光映照影肝膽寒嵐氣逼人毛髮立

府志邑人以沙水洗苔蘚知爲倪德元作

鑑溪在潛山縣吳塘魏武帝行軍至潛忽思鱸膾左慈取銅盤釣之得數十尾武帝釋其半於溪時正暮春今惟柳絮飛時有之謂之楊花鱖

令公潭在潛山縣東門漢末邴令公與妻陸氏同死難於此桃花潭在宿松縣城西上河口唐張旭李白皆有詩

龍潭在望江縣南二里唐邑令鞠信陵禱雨沈鐵板丹書處
盡忠池在府西門外舊名清水塘元末余闕殉難於此因改今名

雲池在潛山縣眞源宮東池中嘗起五色雲

洗馬池在太湖縣東北一百三十里明統志在縣西北一百六十里卽古司空原唐李白營避地於此有詩曰卜居司空原北

將天柱鄰

滂池在宿松縣東南六十里眾水所匯中列廛市利於魚鹽崇
禎中縣嘗徙治於此

臥冰池在望江縣埠南岸寰宇記在縣西南二十里卽晉王祥
臥冰取魚處明統志臥冰池在縣南二里晉王祥自臨沂扶母

避地於此人慕其孝因以名池

池在方公隄內有碑亭今
亭地碑存方公隄詳水利

讓泉在府西門外泉極清冽汲者爭則竭讓則涌

趙州泉在桐城縣投子山趙州和尚飛錫得泉處

鶴泉在潛山縣白鶴道人止處鶴起泉流

錫泉在潛山縣梁寶誌公卓錫得泉處

雙螭泉在潛山縣西北皖山頂明慈禪師所住菴掘地見雙螭

躍出泉輒涌

山谷流泉在潛山縣山谷寺佛殿後有黃庭堅題額周圍石鑿澄澹不流名曰摩圍泉庭堅最愛飲之遂自號摩圍老人

西源九井在宿松縣西源山自麓至巔九井如貫惟第七井在山半峭壁旱時捫蘿而上得水急返雨輒至

風節井在府城按察使署後元余闕妻蔣氏率女安安盡節於

此明知府姚正敘其事并勒銘於石後人建亭覆之

按忠貞公夫人姓氏

元史本傳作耶卜氏元史節要作耶律氏元賈伯良撰死節記作蔣氏繼揚張毅嘗詢於公之姪孫宗烈云公夫人實蔣氏其耶卜氏耶律氏皆公妾也因錄其語於死節記後以示久遠明純正風節井敘直書蔣夫人又胡濬宗烈夫人祠記云維時與夫人同死者有妾耶卜氏耶律氏有男德臣有女安安是二氏亦皆殉節而非其嫡故詳辨之如此

天泉井在桐城縣南城內明末流寇圍城城中渴甚有小兒戲掘一井泉忽大涌因連掘十餘穴皆涌泉全城賴以存活

喬家故井在潛山縣彰法山麓府志相傳漢末喬公有二女居

此皆國色孫策克皖娶大喬周瑜娶小喬二女以殘脂粉投井
中後井水常有脂粉色

夢井在潛山縣真源宮前府志唐天寶中明皇嘗夢遊此因賜
名中使王越賓題詩有憑誰借問岳前叟曾託吾皇一夢來之
句

司馬龍井在望江縣菩提寺北明統志井水可愈疾相傳有紫
沫浮井上累日始散識者以爲龍涎云

望湖石在桐城縣西門外黃庭堅讀書處

詩崖石在潛山縣吳塘水南水激石如漱玉十景之一也

憩錫石在宿松縣西南五里佛坐嶺石分爲三亦曰三台石五
祖宏忍大師欲卓錫於此聞龍湖水腥吟曰生平不愛魚池水
風動波聲也帶腥遂飛錫去又且記石在巖公山五祖愛其幽

勝欲建道場於此良久曰此處有千年山而無千年水乃抱一巨石置之曰且記此

碁盤石在太湖縣良埠灣相傳梅福與仙弈此石上

傳衣石在太湖縣司空山二祖慧可傳衣與三祖燦處又有葫蘆石相傳二祖祕記存焉

石鏡在府城西北懸石丈餘光明如鑑

鐵牛在府城寔字記云漢書地理志皖有鐵官鑄鐵作牛以鎮此地府志江滸多水怪初建城治鐵鎮之凡五處一集賢門內一盛唐門內一山川壇東一天柱閣右一萬億倉俱藏土中微露牛脊時有聞喘聲者驚其異稱爲鐵牛大將軍

四錢在潛山縣府志相傳漢武帝移南嶽之祭於潛霍山山高無水廟有四錢可受四十斛祭時水輒自滿祭畢卽空歷代歲

皆四祭後改三祭一饒遂敗

飛來鐘在府雙蓮寺有大鐘浮江而下寺僧迎之遂止

六鐘宋文帝元嘉七年帝將征關洛潛山有鐘十二聲發地中

山崩六鐘自出制合古式聲中律呂上有古文一百六十字

鶴駕在潛山縣城外宋元豐閒每歲仲春有鶴數千羣蔽天而

來回翔飛舞於空張春遊潛見之作鶴駕詞

三祖塔在潛山縣西北二十里寶宇記在潛山縣山谷寺東北

唐大曆七年敕改爲覺寂塔峭壁閒刻杜牧金陵懷古詩

藏書塔在望江縣東三里知縣師範去官時藏書於此

奎文塔在望江縣南門外義渡旁道光四年建

重修安徽通志卷四十五

輿地志

古蹟二

徽州府

歙縣舊城今府治漢置縣隋大業中爲邑人汪華所據始自休甯移郡治於此唐因爲歙州治咸通六年卽城之西北爲隄以禦水光化中因隄增築爲城名曰新城宋宣和中爲睦寇方臘所陷事平築新城於溪北三里因民不便後還舊城卽故址修築南畿志今新城故基盡爲民居

北野廢城在歙縣北唐書地理志績溪本北野永徽五年析歙置後更名寔字記在歙縣北三十五里唐永徽五年睦州績溪縣女子陳碩真作亂縣人蔣寶舉應之事平置縣於五合山上

以鎮之大歷五年廢入休甯縣按唐志在續溪而寔宇記在歙

縣蓋二縣境相接也

按寔宇記廢北野縣在休甯廢文無入休甯縣四字

毛甘故城在歙縣城內東南隅烏聊山三國吳志歙賊帥毛甘萬戶屯烏聊山賀齊討平之元和郡縣志歙縣烏聊山在縣東二百六步上有毛甘故城寔宇記在縣東五步三國吳時歙縣已治此

休甯故城在縣東三十五里當水口之上相傳隋時縣嘗治此五城在休甯縣南五城水上寔宇記五城水旁有五城村古之大鎮有五城斜隅相對旁有大墳有人發之其墳上鐵厚二尺鐵纒破雷雨晦冥人懼而止縣志元置五城務明初廢

婺源故城在婺源縣北二十五里清化鎮寔宇記縣本休甯西南之迴玉鄉開元二十四年鄉人洪貞據此及平始置縣元和

郡縣志以婺水遶城三市故名縣志舊縣治清化鎮唐中和二年楊行密將陶雅守歙暴橫縣人汪武據弦高鎮以拒之遂治於弦高改舊縣爲清化鎮元豐九域志婺源縣有清化鎮是也梅鎔城在祁門縣西十五里縣志項羽封吳芮將梅鎔十萬戶侯邑於此

黟縣故城在黟縣東漢書地理志黟成帝鴻嘉二年爲廣德王國隋書地理志新安郡黟平陳廢十一年復寔宇記隋廢爲海甯縣屬東陽郡舊城在縣東五里

越國公城在績溪縣登源唐初汪華起義時築此一名汪王城歸德廢縣在歙縣西南唐書地理志休甯永泰元年盜方清陷州州民拒賊保於山險二年賊平因析置歸德縣大曆四年省寔宇記在歙縣西南五十里大曆五年廢按唐志在休甯而寔

字記在歙境相接也

休陽廢縣在休甯縣西元和郡縣志休甯縣本秦歙縣地後漢建安中賀齊討黟歙山賊分置休陽縣其後頻有改易隋開皇中改爲休甯寰宇記休陽廢縣在今休甯縣西二里楊村東三里靈烏山上吳避孫休之名改爲海陽縣移治於萬歲山上今城基尙存

海陽廢縣在休甯縣東十三里孫休改休陽爲海陽仍移治於萬歲山上新安志在縣東十里宏治府志上下兩村曰上舊市下舊市晉改海陽爲海甯隋改休甯並治此山唐天寶中徙縣治於西北七里

國朝改市爲墅知府陳玉題上舊墅曰海陽故址

黎陽廢縣在休甯縣東南宋書州郡志新安太守海甯令孫權

分置黎陽縣劉宋大明八年省併入海甯梁承聖中復置府志
縣東南有黎陽鄉卽此

祁門故址在今祁門縣西元和郡縣志縣東至歙州一百七十
九里木古昌門地漢黟縣之南境唐永泰元年賊方清於此僞
置昌門縣刺史長孫全緒討平之因其舊城置縣以縣東北二
里有祁山因改祁門大厯五年又移於東面臨大溪西枕小山
梁安廢縣在今績溪縣北後岸村元和郡縣志梁大同元年置
梁安縣唐武德中廢縣志大同元年置頁安縣而宋元時皆有
頁安鄉蓋卽梁安之譌也

歙州舊治在今黟縣碧山下隋開皇初改新安郡爲歙州治黟
大業初復爲郡徙治海陽

紫翠樓在府治內輿地紀勝宋宣和間建

羅穎樓在府西新安山水志樓跨黃羅夫馬閒樓前小山下見黃羅如錐穎露秀刺天際天馬蜿蜒右翼鬃鬣百雉翠光冉冉撲樓中兩山如在几席閒也

御書樓在府槐塘宋丞相程元鳳建

秀景樓在府城西北隅新安文獻志在城西北隅宋直寶謨閣汪藻守歙時所作

梅花初月樓在歙縣石門明學士朱升建太祖御書梅花初月四字顏之

太白酒樓在歙縣太平橋相傳李太白訪許宣平於此因名溪山第一樓在婺源縣城內羣山環拱大溪下繞元馬肅建程文記今移建城北龍墩前

望鳥樓在祁門縣之都唐郎中廖嵩自閩避亂來祁攜二鳥卜

居至此鳥樓不去遂家焉其裔孫德湊爲建望鳥樓

擁青樓在祁門縣治宋景定中建以杜甫高山擁縣青句爲名
虛直樓在祁門縣桃峯下宋謝昇建其子璉講學其中種竹千
竿故名

雲峯樓在績溪縣西石壁山上宋崔鷗建

景蘇樓在績溪縣署舊爲秋風堂宋紹興閒邑宰曹訓募前令
蘇轍之賢摹其遺像及所爲詩鐫於石建樓貯之名曰景蘇
宸奎閣在府城紫陽書院內因宋理宗御書建

春草閣在府松山明汪道昆讀書處

藏書閣在婺源縣儒學後宋慶厯閒建朱子榜其閣曰藏書而
未有以藏莆田林憲知縣事始出其所寶若干卷以填之又廣
益市書凡千四百餘卷俾肄業者誦習

候賢亭在府間政山唐刺史于德晦爲兄方外建

披雲亭在府南山唐宣歙副使魏宏簡建見柳子厚文集及文苑英華下有歙州司馬呂渭讀書堂址

浮邱亭在府治西北雉堞上有兩古木宋郡守慎遵倚木建亭范成大有詩又浮邱園在浮邱山下古梅十里許唐宋間有軒轅行宮羽人陸道明居此煉丹

風雲亭在歙縣東山麓宋紹熙間教授舒澹建

歲寒亭在歙縣泊舊名松風亭宋令王薦建方輿勝覽歙縣歲寒亭蘇轍有詩今刻石亭上府志元紫陽書院山長張炳購於趙評事家得其地以歸學明正統間立亭

秋水亭在休甯縣泊宋令葛勝仲濬深池築亭其中府志

國朝縣令廖騰燧重建加廣焉又縣泊四有真意亭亦葛所建

還金亭在休甯縣霞阜河畔爲商山吳清還金建有碑記

環綠亭在婺源縣儒學山右宋汪子英建元胡炳文記

時雨亭在婺源縣石龜潭上元達嚕噶齊納懷禱雨輒應因建此亭自爲記

流芳亭在婺源縣西二十里宋江大正建張棡記

翠眉亭在績溪縣門外新安志元豐中蘇轍爲縣令嘗遊岡上雙嶺對峙嫵然如眉作亭對之名曰翠眉以志故鄉峨眉之思轍去邑人卽亭爲祠韓无咎作記

豁然亭在績溪縣西隴上宋汪琛建蘇轍常與琛登亭賦詩世德亭在績溪縣南邑人爲明尙書胡松建

孝感亭在績溪縣治北明縣令高梁爲孝子許欽建

鼓吹臺在府篁墩湖側程篁墩記云忠壯公靈洗習戰時所築

數傳後風雨之夕猶聞鼓吹聲

百花臺在府西三里宋司農汪叔詹築

富登釣臺在府治富登渡一石出江上勢欲飛入江中元鄭玉嘗釣於此平章余闕篆書鄭公釣臺四字於石玉自爲記

李白釣臺在黟縣南十六里西連墨嶺一名潯陽臺相傳李白嘗釣於此

古雲臺在績溪縣南七里明汪尙珍雲臺觀記宋建尋徙於縣西翠眉亭左元季兵燬復創於秀野嘉靖閒再徙於阜城門外

寶蓋山

黃山堂在府治後唐大中初建舊曰黃山樓北望天都蓮花諸峯森秀天表唐刺史于德晦通判伍喬皆有詩宋宣和後移建於治西雉堞上號黃山堂明宣德閒重建尋圯

舍蓋堂在府治後宋洪适建以延四方往來之士范成大爲之記

相儒堂在府城南門內古郡學大成殿東宋丞相程元鳳讀書處寶祐中州守趙汝嶧建堂祀之又一在黟縣石鼓寺爲宋江萬里讀書處

風月堂在府治宋紹興閒監郡章浩建洪适記范成大詩
勤有堂在休甯縣陳村元定宇先生陳櫟建朱升有記

中山書堂在祁門縣南元汪克寬與弟時中肄業之所

程忠壯宅在府西三十里仁愛鄉宅有古梅數千年本其下築墩湖濱礫石宛然洪濤不漂砂石不漲爲一方勝蹟

黃孝子宅在府西九里黃屯關廟舊孝子黃翁故居貞元中詔旌其門今稱孝仁里

環佩重來軒在府之槐里宋丞相程元鳳有琴曰環佩亡去已久其六世孫文貫復購得之爲軒以藏焉

風泉雲壑軒在府南門紫陽書院宋郡守韓補建元方回記
凌唐佐宅在休甯縣救甯門南凌家巷

其學齋在休甯縣東山元儒趙訪齋學齋

尊德性齋在婺源縣環溪宋程洵建初名道問學朱子易之復
爲銘

問政山房在歙縣東五里方輿勝覽唐有于方外者棄妻學道其從弟德晦刺歙州爲築室於此號問政山房絕壁有宋黃臺題詩云千尋練帶新安水萬仞花屏問政山

江東道院在府治南門宋建諸儒講學歲集於此
新安道院在休甯縣治東宋令祝禹圭建朱文公記今爲真武

堂附朱子記

休甯大夫信安祝侯汝玉以書來曰休甯之爲邑

不以人言爲慮中乃意其然而吾之爲之已再歲矣始也不能

蓋其封域實障山之左麓而浙江出焉山峭隘而水清激故稟

其氣食其土以有生者其性情習尚不能不通明而喜鬪然而

君子則務以其剛爲高行奇節而尤以不義爲羞故其俗難以

力服而易以理勝苟吾之所爲者出於公論之所是則雖或撓

於其私而卒不敢以爲非也以是吾之始至苦不能無不說者

而今則驩然無與爲異吾嘗困於事之不勝其繁而今則廓然

無事之可爲也吾將更葺廳事之東參寥子之詩所以治而無

之以新安道院子能爲我記之則後之君子益知所以治而無

吾始者之慮矣子惟汝玉之爲此可以見其政之成民之服而

官曹之無事矣然道之得名正以人所共由之路而非無事之

謂也夫以汝玉之始至坐於堂皇之上則左簿書右法律日夜

苦心勞力而不得休其或少暇則又不免衝寒風冒烈日以出

入乎阡陌之中而不敢怠凡所以勤民之善而懲其惡與民之

利而除其害者非有道以行之則何以致今日之無事哉願其

名此乃若專取乎今日之無事而反病前日之勤事爲非道耶

抑若計之天下之事雖有動靜勞逸之殊而所以爲道者則無彼

此情處之閒汝玉之學固有以知此矣彼其所以喜於政成之

無事而不避異學之淫名豈非朝夕之閒猶欲從容於此以深

思而大發於功名事業之閒乎子故邦人且汝玉子舊也樂其

意爲書以末以示來者使於此邦之俗賢宰之志尚考云

屏山書屋在婺源縣翠屏山朱子歸省祖墓時所建十世孫穩復結屋讀書於此

初山精舍在歙縣石耳山元曹涇講學於此

東山精舍在休甯縣龍源東山元趙汭讀書處虞集有記

許仙宮在歙縣城南二里寔宇記卽許宣平得道之所李白尋之不遇今山上遺蹟猶存

越國公府在休甯縣萬安山舊稱汪王故宮隋末汪華起義時所居宋爲廣惠王廟今爲古城寺

貢院在府城西府志云宋乾道四年於大成殿東因餘地而益拓之設貢院選士明年登第十人內有禮部第一廷試第三者吳山里在婺源縣西七十五里寔宇記昔吳爲越所滅句踐流夫差二子其長子鴻處此死因葬焉遂名吳山里又名婺女里

今譌爲湖山

朱文公闕里在婺源縣南朱子先世故居元時知州于文傳建

朱子家廟中有韋齋井相傳文公生時井中紫氣現亦曰虹井

明宣德中建亭其上耐明汪敬虹井亭記虹井亭也記井發自開

邑而有虹則自朱晦菴父子始自井有虹而婺之文開豈惟

婺爲昭者誰之功與語有之天降時雨山川出雲夫雨也而雲

先則文明也而虹兆理又奚疑哉考之古尼父制孝經既成而

告備於北斗有赤虹自天而下化爲黃玉尼父拜而受之夫孝

經何與於北斗而天之降精若是其與春秋成而麟出同一徵

應乃或者謂麟出爲非時故仲尼春秋因之以作又謂尼父以

爲吾道不行之兆因之絕二百四十二年之筆獨胡氏以河出

國洛出書及簞韶作而鳳皇儀當之謂其先後天弗違其說始

章明而有據正大而非誇彼欲迷之乎徵應之說者蓋皆求其
故而不得者也若然則一聖一賢其生闕乎天地其立言也關
乎禮神母惑乎集大成者先後若同堂也井在故宅之右氣潛
與龍井相通可供千家之汲寒冽冰齒人多暇不啻又能已疾
龍井之開龍嘗盛氣盤結如雲其深不可測此則垂綆不輪二
切往來井井其坎常盈自虹出而泉日減蓋精騰於天而氣紀
於地理無足怪然人不敢以爲舊爲泥棄之必曰此瑞井也宜
重之故直志卷四十五輿地志古蹟

德九年錢塘陳侯以太學高等選爲婺源縣令番調臨里拜瞻遺像以爲仲尼之後一人因用其學爲政成而百廢具舉修學宮葺書閣文公之祠因以次及圯者修之欬者摺之朽者新之徘徊於虹井之上懼其久而污也爲亭以覆護以登垣平以文石垣爲四戶限其流之旁入者俾污凜屏而寒泉注顏其楣曰虹井亭人之過而瞻者於以知曉翁之上應天精下稟地靈而侯且命敬曰子豈爲記之使後人葺俾勿壞歟因復曰唯渙之水錯結若甌壺頭之泉淑蘭成氣漱英噴華呈祥表異聖道汪洋如水行地前有河洛後有洙泗淵淵虹泉同源共濟我侯濬之澤存萬世侯曰其然庶無費斂乃龜貞石而刻之

僕城里在黟縣西十八里林歷山下漢末陳僕祖山等屯此故名僕山每於社日遣人掠酒肉村民苦之以社之明日爲社至宋時猶然

朱塘在婺源縣東朱子還婺源與門人滕璘遊見其山水幽靜俱如疇昔夢中所見問其地對曰朱絳塘璘世業也朱子曰故與子有神交者在因命作亭爲書草堂二字貽之

柳塘在休甯縣西門內柳塘坊宋儒汪莘故居

譙貴谷在黟縣輿地紀勝云在縣南方輿勝覽謂在縣北寔字記昔土人入山行七日至一穴豁然周三十里中有十餘家云是秦時避亂入此又按縣圖有潛村至今數十家同爲一村或謂之小桃源唐李白詩黟縣小桃源煙霞百里閒地多靈草木人尙古衣冠是也方輿勝覽譙通作樵

新城圍唐咸通六年於歙州城西北爲隄以禦水光化中增築爲新城其後隄漸圯每爲溪水泛溢因棄爲桑野名曰新城圍朱家巷在府西南篁墩宋朱子先世所居縣志朱家巷在富簫山朱文公先世故居也其自序茶院譜云先世居歙之篁墩作世譜後敘云淳熙中展連同墓有方夫人十五公馮夫人之墓皆已失之明萬曆閒訪得其三祖墓知縣劉伸重爲封識

附朱

子婺源縣茶院朱氏世譜序

嘉闡之先君子太史吏部府君曰吾家先世居歙州歙縣之篁墩相

傳望出吳郡秋祭率用魚鼈唐天祐中陶雅爲歙州刺史初克
婺源乃命吾祖領兵三千戍之是爲制置茶院府君卒葬連同
子孫因家焉生三子事南唐補常侍丞其後亦有散居他郡者
熹按今連同別有朱氏舊不通譜近年乃有自言爲茶院昆弟
之後者猶有南唐譜牒亦當時鎮戍將校也蓋其是非不可考
矣先吏部於茶院爲八世孫宣和中始官建之政和而葬承事
府君於其邑遂爲建人於今六十年而墓始與方夫人十五公馮
矣道熙丙申尋還故里將展連同之墓則與方夫人十五公馮
夫人之墓皆已失之因亟詢訪得連同兆域所在乃率族人言
於有司而後得之其文嫁藏於家副在族弟然而三墓者則遂
不可復見矣癸卯五月辛卯因閱舊譜感世次之易連骨肉之
易疏而墳墓之不易保也乃更爲序次定爲婺源茶院朱氏世
譜而並書其後如此仍錄一通以示族人十一世以下來者未
艾徽建二族自今每歲當以新收名數更相告語而附益之庶
千里之外兩書如一傳之未遠有以不忘宗族之誼至於蘆村
府君其墓益遠居故里者尤當以時相率展省更力求訪三墓
所在而表識之以基子孫之責而熹之曾大父王樞府君無他
子其墓在故里者恃有薄田於其下得以奉守不廢當質諸有
司以爲祭田使後之子孫雖貧無得闕云按府志所
失三墓後裔孫照訪獲非明萬歷間所訪之三祖墓也

貴溪務在祁門縣南七十里又柏溪務在縣北皆宋置元廢
竹洲在休甯縣商山藍水旁宋吳文肅公做奉祠終養築室娛

親處

萬貫洲在婺源縣鵲溪宋岳飛征楊么屯兵於此

石羊阡在休甯縣東數十步相傳吳楊行密疑冢刺史陶雅所作南畿志世傳吳太子葬東山今不知所在惟兩石羊夾道有翁仲石趺存

浣紗埠在府龍井山北相傳李白訪許宣平至埠上一翁對曰門前一竿竹便是許翁家白悵望翁已失所在蓋翁卽宣平也孔靈村在府南三十里寔宇記在縣南二十五里晉書孔愉字敬康會稽人以討華軼功封餘不亭侯永嘉之亂避地新安山中以稼穡讀書爲業信於鄉里後忽逸去人以爲神爲之立廟方輿勝覽孔靈山有孔愉讀書故址

任公村在府北四十里寔宇記梁太守任昉行春至富資溪上

樂之徘徊累日百姓因名其溪曰昉溪傍村曰昉村唐大中十年刺史盧潘易曰任公村

舒村在府西四十里中谷鄉村旁有讀書墩南唐進士舒雅所居府志云隔溪山石望之峨然若纓其冠者曰幞頭石

朱村在歙縣涇溪北涇溪紀聞文公在村中注四子書卒業嘗與友人書云注成勿先令二州見之蓋指羅鄂州舒州也

斷石村在休甯縣西南三里懸崖絕壁巨石墜下如臺狀宋治平中知縣事呂大防書斷石二字於上今稱落星臺祥符經云昔有兩舟泊岩下一祭一否石隕不祭者舟其墜處今爲石室張村在祁門縣西十里唐左金吾大將軍金華張志和隱此自號煙波釣徒因名

大徽村在績溪縣改州爲徽取此

黃山仙蹟在歙縣西北世傳黃帝嘗與容成子浮邱公合丹於此其後又有仙人曹阮棲之明統志今山有浮邱容成諸峯水有曹阮諸溪名本此

五畬驛在休甯縣南二十五里又縣南二十九里有黃華驛原名憩賢驛俱元置明初廢

魚亭驛在黟縣東三十五里宋置呂本中詩云竹密如雲不見天好山無數簇溪田只因黟縣溪山勝盡在魚亭驛舍前

階阮在府東百二十里相傳吳孫權死孫峻奪其太子和璽綬徙新都遣使者賜死卽其地也方輿志自階村入二十里卽吳廢太子和所居階迹猶存

蝦蟆阮在府鎮安門外俗譌爲麻阮

西阮寨在績溪縣東六十里元置鎮守軍營於此明初改置巡

檢戍守正統初廢

放生池在府城西宋紹興十三年詔天下郡各爲池於聖誕日放生於是鑿城西墻地以應詔後郡守童僅增廣之作恩波堂及好生魚樂之亭乾道八年郡守趙師夔建堂於右百步臨溪放生卽魚梁壩也

管界寨在府西北八十里又深渡寨在府東南四十五里俱宋置明初嘗置巡檢

程灃寨在休甯縣南東密嶺唐乾符五年黃巢寇郡郡人程灃率義兵立寨於此以拒之今塹壘猶在土人樵牧猶有獲鏃戟者相傳上有元帥府基下有落箭邱皆以灃得名

舉嶺寨在休甯縣東北十五里天寶巖又縣東南方山有白際嶺寨縣西婺源界有塔嶺寨又縣西吳田嶺上有馬金寨縣西

南溪口有松陽寨皆宋置元廢

胡僕射營在祁門縣義城都福州及歸仁都等處皆唐末胡曠屯軍之所

衝山營在婺源縣治西北五代時吳將劉津所置今有壁壘餘址

中平寨在婺源縣東七十五里宋置明初廢今爲往來孔道蛟潭卽篁墩湖意字記在歙縣西南四十五里爲梁末程靈洗助湖中蜃射呂湖蜃處

讀書墩在歙縣西四十里迴環如列屏爲南唐舒雅讀書處倒馬墩在休甯縣五城紫竹嶺唐都將吳九郎戰賊於此有吳公祠兵毀重建

聰靈洞在婺源縣西南四十五里福山明湛若水嘗講學於此

仙巖在婺源縣璧月門外相傳宋時有人挂竹連環於杖頭至巖俟不見始悟竹環爲呂字且其貌與洞賓類遂塑像建觀祀之

澤穴在績溪縣東南十里唐金山爲唐汪華祖居

漢洞在府仁愛鄉外狹中寬有巽白遺蹟相傳漢末郡人避兵於此宋太守劉炳有漢洞銘

羅公泉在績溪縣南二十五里續文獻通考羅公泉大澗不竭灌田百餘頃

少保井在府城內唐少保薛稷所作明統志一名九井

殷公井在歙縣南羅城內井底有斜穴一通縣北銅井潭一通縣南斧井潭每潭有遺物多於此井得之初爲殷氏鑿故名

聖泉在休甯縣蒸田葉巖下相傳明高帝訪汪巽元馬蹶所觸

遂成泉

龍泉井在休甯縣隱充外隅其泉冬溫夏涼大旱不竭

唐均勝井在黟縣東二十五里天井山麓歲旱禱雨若遇井泉原涸俄而滿井霖雨隨注

兌卦碑在休甯縣東七里萬安山宋縣令鄒補之隸書兌卦作磨崖碑於此

魚飛石在祁門縣北百二十里赤嶺方輿勝覽嶺下有溪昔有漁人爲梁取魚魚夜飛越嶺而去復張網嶺上魚飛不過者化爲石遇雨則赤故名

產龍石在黟縣東山石燕洞之下其石劃然兩開各有首尾鱗爪相傳龍孕石中石破而龍出也

臨溪石在績溪縣北三里寰宇記石臨溪岸方圓二丈其平如

三
抵數里內婦女悉於此浣紗方輿紀要縣北三里有浣紗溪
涯有浣紗石一名臨溪石

獨母柴在縣南十五里俗傳昔有寡婦死無以葬行人覆之
以薪至今人經其處皆以一枝草投之

靈香草寰宇記靈山在歙縣西北二十里靈村生靈香草其山
有靈壇凡所祈請不焚香自然芬馥

慈孝松在府龍山元至元丙子鮑宗嚴遇盜縛大松樹下其子
壽孫願身代不聽倏烈風震變盜恐軼去得免明永樂中旌其
村爲慈孝里松曰慈孝松

三
海樹在休甯縣西白嶽山大數十圍諸石如伏犀馴象山志云
左枳木惟此一株今枯雕爲神像

重修安徽通志卷四十六

輿地志

古蹟三

甯國府

遠適故城在府東北六十里本漢縣屬九江郡其地在今廬州府界晉末僑立於蕪湖縣界屬淮南郡宋齊以後因之隋初併入宣城縣按左傳公會吳於橐皋杜注在淮南遠道縣鵝野王輿地志宛陵縣界亦有遠適縣攷吳會橐皋宜在江北今廬州府舒城縣乃其地其宛陵之遠適縣當卽隋初所併入者也

溫城在府東二十里唐刺史溫璋築唐書溫璋傳大中戊寅璋被命討康全奉之亂意其始至營此而後入郡城也

宛陵故城卽今宣城縣治漢書王子侯表元朔元年封江都易王子敢爲丹陽侯元封二年置丹陽郡治晉改爲宣城郡治其

城晉咸和中內史桓彝所築今府治東北有鐵牛門卽彝所築子城故址也隋始改曰宣城

楚王城輿地紀勝云在宣城縣東北百里兵興嘗扼隘於此洪武宣城志云周迴四里高二丈五尺城之東北卽古驛路也斥堠存焉地接當塗深水舊經云昔吳楚相距創此或云晉司馬休之嘗於此築壘或云伍子胥鞭平王尸處昔秦敏學嘗著文以辨其非以左傳楚伐吳至衡山爲證衡山在今廣德距此相近謂楚王爲熊審是也一統志在旌德縣北一百里又有故楚城在南湖北岸

烏石城在甯國縣南九十里盤山北今城基並廟址猶存相傳南唐時置以備吳越甯川志烏石舊縣城在縣南九十里懷遠鄉十二都地名烏石

懷安故城在甯國縣東南一百里寔宇記漢末分宛陵置屬丹陽郡吳景帝時屬故鄣郡晉屬宣城郡梁屬丹陽郡至陳廢入宣城縣今爲甯國界僞漢劉聰封晉愍帝爲懷安侯卽此

甯國故城在甯國縣南十三里三國吳置隋省唐復置元和郡縣志宜州甯國縣西北至州一百十里

安吳故城在涇縣西南五十里落星潭東宋書州郡志三國吳

置水經注晉太康元年分宛陵置按吳志永安四年城安吳民陳焦又陳普復討宣城涇安

吳陵陽春穀諸賊時正在策渡江之後是安吳之立已久非大康間始立也隋時縣廢唐武德三年復置屬歙州入年復廢舊志在縣西南藍山南今有安吳市安吳渡又旌德縣北三十

五里有古城俗呼沙城卽安吳故城或謂唐時所改置也

歙州故城在涇縣西漢置縣於此後漢建安三年孫策攻劉繇平定宣城以東繇將太史慈因自蕪湖進駐涇縣立屯府晉咸和中蘇峻之亂內史桓彝退屯涇縣隋大業末邑人左難當據

縣唐武德三年以涇縣置南徐州尋更名猷州八年州廢仍屬

宣州縣志猷州城在縣西三十里大甯山前州廢後移治賞溪

之西有城周一百二十八步宋崇甯間賞溪東徙城爲所圯嘉

定三年移於溪東去舊治二里地寧畱村元至元十三年又徙

於舊治東門敬天坊卽爲今治

枝周一百二十八步無此小城疑百爲里字之訛

走馬城在涇縣東四十里晉桓彝將俞縱屯兵處又有蘭石在

縣東七十里下臨藤溪桓彝使俞縱守蘭石卽此

桓公城在涇縣東四十里烏溪嶺晉咸和中桓彝所築輿地紀

勝在縣東三十五里以晉桓彝得名南畿志在桓公嶺下晉桓

彝討蘇峻築此旌德縣志在縣北五十里地名蘭石

按桓公城走馬城皆

在涇縣東三四十里閒地名烏溪桓彝墓在焉至蘭石在涇縣

東七十里地名窄溪與旌德接界俞縱墓在焉緣蘭石亦係桓彝所築而使俞縱守之故旌德志亦謂之桓公城其實桓公城與蘭石相去有三十餘里也

白龜城在涇縣東北三十里柏山下隋末左難當欲築城拒輔

公祐會潯暑大雪有白龜印雪周行隨跡築城故名又幕山軍

壘在縣東北三里亦難當拒公祐所築按涇縣志柏山前臨大

互二三十丈上皆竅或中一巨石約二二三丈昂起如龜頭足畢

具今山下故城遺址猶存其下潭名白龜潭其山經白龜嶺而

來當時依山設險或以此命名如

舊志潯暑大雪等說未足爲據

太平故城在太平縣北元和郡縣志太平縣東北至宣州二百

八十里天寶四載太守李和上奏割涇縣西南十四鄉置縣志

宋時有城周一里二百十步久圯

當塗廢縣一統志在南陵縣北漢縣也晉成帝時以流民僑置

屬淮南郡宋齊以後因之隋平陳移治姑孰而廢故縣入宣城

通典南陵縣有當塗縣故城在東南按後漢書郡國志當塗屬

在江北元和郡縣志晉成帝時以江北之當塗縣流人過江在

于湖者僑立爲當塗縣後屬宣州則此實晉之僑縣非漢縣也

言漢縣者本漢之縣名也

南陽廢縣在旌德縣西北梁置屬宣城郡

旌德舊縣卽今旌德縣治元和郡縣志宣州旌德縣至州二百三十里本太平之地以縣界闊遠永泰初土賊王方據險作叛詔討平之奏分太平縣置寶字記永泰中割太平九鄉置縣冀其邑人從此被化故以旌德爲名縣舊無城元至正末紅巾賊犯縣治焚燬殆盡明嘉靖三十四年倭奴直入縣治嗣後始議創築

宣城故城在南陵縣東四十里青弋江上漢置後漢省建安三年孫策平定宣城以東二十年孫權使蔣欽屯宣城卽故城也晉太康二年於宛陵縣置宣城郡復置宣城縣屬焉隋初改宛陵縣爲宣城而故城遂廢

甘公城在南陵縣北七里或曰吳將甘甯嘗屯於此或曰晉內

史甘卓築又譌爲甘羅城按此城得名舊說不一謂甘羅者固

甘甯傳拜西陵太守領陽新下雒二縣後從攻統爲升城督跡其所歷未必有屯宣城事惟晉書甘卓傳云丹陽人按歷陽內史拜豫章太守所居皆近宣州雖無爲宣州內史事或曾在此築城差爲近是耳

南陵故城在南陵縣西北梁置南陵縣在今繁昌縣界唐初移

今治舊唐書地理志宣州南陵舊治赭圻城長安四年移理青

陽城按青陽城卽今南陵縣治

丹陽郡舊治在今郡城陽德門外

彭澤聚漢書地理志在宛陵縣西南縣志今名彭澤街在大東

門外

石錄場竄字記南陵縣復於仁義鄉析置法門石錄一作兩場

以別徵攝自後法門屬義安縣又廢義安入銅官治爲銅官場

今銅官爲銅陵縣石錄爲繁昌縣皆其邑地也府志唐廢繁昌縣爲石錄場

三皇世陵陽國在涇縣境論語摘輔象伏羲六佐陽侯主江湖路史國名紀陽侯伏羲臣漢許慎云陵陽侯國也國近江今宣之涇縣有陵陽山

漢楚王湯沐邑在涇縣境後漢書永平十三年徙楚王丹陽涇縣賜湯沐邑五百戶

北樓在府治北又名高齋又名謝公樓又名疊嶂樓又名北望樓南齊宣城守謝朓建唐李白詩誰念北樓上臨風懷謝公韋蘇州詩高齋憶謝公鄭薰詩高齋今北望池上猶春酌自注高齋今北望以齋易樓唐人實爲之明郡守方逢時記云自唐獨孤森改建疊嶂樓而北樓之名廢矣附宋田錫疊嶂樓賦宛陵之邱

元暉舊遊城連延兮百雉世懸歷兮千秋流水白雲慨依然而
在覽遺風往事信赫若兮長留余以丹陸策名皇華奉使適蒞
於此乘春以至驛梅江柳動遊宦之芳懷風觀露臺起高明之
逸意疊嶂居先登之悅焉憑落絮之危樞向飛花之晚天稜嶺
連岡峙昭亭兮作鎮平蕪遠樹引句水兮爲川因而覽古興懷
臨高凝睇自春秋戰國之後至吳魏鼎分之際干戈偕王乘輿
擬帝斯爲形勝之地恃以控臨之勢襟帶三江咽喉五湖歸句
踐兮稱越隸夫差兮曰吳比奔碁之靡定惟兩略兮能圖方今
禹迹重新堯封復古街王命於北闕詠皇風於南浦升高而賦
捧宋玉之才多覽景自怡非仲宣之思苦江渺渺兮涵春草蕪
萎兮感人指吳越之遠道介池欵兮爲鄰兩槩何歸引運眸於
天際微雲似畫帶斜陽於水濱旣而閱謝守之詩蒼苔滿石覽
獨孤之交芳塵在壁杏花含露念昔我之來時鞠蕊迎霜乃今
余之暇日歲云豐稔民之悅逸思命儕兮嘯侶聊登樓兮自適

忠勤樓在府南門宕吳氏村口宋景定閒吳淵置樓於丞相第
中御書忠勤樓三字額賜之今祀吳柔勝吳淵吳潛三公於其
上府志云明萬厯初改建

萬家樓在涇縣桃花潭側相傳唐李白慕萬家酒樓來此村人
汪倫嘗醞美酒待之又潭上有疊玉墩相對爲彩虹岡唐李白

與萬巨汪倫游詠處汪倫故宅亦在桃花潭上

祭公樓在涇縣水西寺竹坡詩話杜牧嘗爲宣武城幕遊涇溪水溪寺畱二小詩其一云李白題詩水西寺古木回品樓閣風

此詩今載集中其一云含情碧溪水重上祭公樓此詩今榜壁

閒而集中不載乃知前人好句零落多矣

按牧嘗入淮南節度使幕宣武城字未詳

盤所樓在太平縣治元進士杜國賢建丞相伯賢躍鯉帖木兒領兵過此假宿於樓大書盤所樓三字並詩贈之

雲齊閣在府敬亭山翠雲菴前取謝元暉詩合杳與雲齊爲名識松閣在府城東舊府學中初相地者云百年後松梢過閣當有魁天下者至嘉定閒吳潛果大魁因以名閣

露香閣在府治下臨東池葉清臣孫錫皆有詩舊名凌虛紹興中郡守朱翌易今名

雙溪閣在府治後取宛句二水爲名方輿勝覽宋治平二年呂
令刁約建先世有北望條風清暑諸樓閣後惟存觀風迎春二
樓於東偏卽條風舊址也至是併拓其地建閣取宛句二水名
之熙甯初余良肱有雙溪夜燕詩紀之元豐末蘇轍赴宰績溪
畱詩云仰攀疊嶂高俯閱雙溪美淳熙九年陳騏於閣之南隅
闢二齋曰懷農思政按仰攀二句爲梅堯臣次韻侯宣城疊嶂
樓雙溪閣詩此以爲蘇文定公詩不知何
據

風光閣在涇縣西賞溪上舊有亭宋紹興中縣令魏杞改建閣
取風光水西之句名之後爲水齧移縣治左

踏歌岸閣在涇縣桃花潭上卽汪倫送李白處

監書閣一名山光書樓在旌德村宋汪文諒建以貯所賜書

高爽榭在南陵縣治內登之可望四面山

敬亭在府北十里敬亭山麓今廢石坊尙存唐避諱改名昭亭

郭祥正詩云我適遊昭亭林中騎白鹿是也

擁翠亭在府城北敬亭山卽李白獨坐題詩處遺碣尙存與今之雲齊閣額珠樓相去里許總一山也

西侯亭府志云未詳何地南畿志謂在府西郭五里宣城事畝

云唐天寶十四載宣州刺史趙悅建以舍使客附唐李白西侯

亭序惟十有四載皇帝以歲之驕陽秋五不稔乃慎擇明牧恒

陵祇命也惟公代秉天憲作程南臺洪轉大本聿生懿碩宜

乎哉橫風霜之秀氣鬱王霸之奇略初以鐵冠白筆佐我燕京

威雄振肅敵不敢視而後鳴琴二邦天下取則起草三省朝端

有聲天子識面宰衡勳聽殷南山之雷剖赤轡之劇強項不屈

三州所居大化咸列碑頌至於是一邦也酌古以訓俗宣風以布

和乎心理人兵鎮惟靜畫一千里時無秀言退公之暇清曉涼

照以此郡東塹巨海西襟長江咽三吳扼五嶺轄軒錯出無旬

時而息焉出自西郭著然古道道寬列樹行無清陰至有疾雷

破山狂震震空炎日鏖野秋霜灌送馬馳隕於谷口人周章於

山隅亭候靡設逢迎闕如自唐有天下作牧百數因循盤聚罔

恢永圖及公來思大革前弊實相此土陟降觀之壯其迥岡龍
蓋沓嶺波起聲勢交至可以有作方農之隙廓如是營遂遠崖
煙卑驅石窮棘削汚讓階高隅以門以墉乃棟乃宇儉則不瀆
麗而不奢森沈閑閑燥溼有庇若鼂之涌如騰斯奪茶流鏡轉
涵映池底納遠海之餘清馮蓮峯之積翠信一方雄勝之交五
馬踰瀕之地也長史齊公光義人倫之師表司馬武功幼成衣
冠之髦彥錄事參軍吳鎮宣城令崔欽令德之後良材閱生綬
風教之繁地出人倫之高格卓絕映古清明在躬僉謀保功不
日而就然我後也伊二公之力歟過客沈吟以稱歎邦人聚舞
以相賀僉曰我趙公之亭也羣寮獻議請因謠頌以名之則必
與謝公北亭同不朽矣白以爲謝公德不及後世亭不啻要衝
無勿拜之言鮮登高之賦方之今日我則過矣敢詢耆老而作
頌曰耽耽高亭趙公所營如鼂背突兀於大清如鸞翼開張而
欲行趙公來翔有禮有章煌煌錫錫如文翁之堂清風洋洋永
世不忘

響山亭在府城東南二里唐刺史路應跨潭爲梁建兩亭於東

西崖李白詩築土接響山俯臨宛水湄權德輿爲記鐫崖石附

權德輿記元和二年冬十月宣城長帥中執法襄陽郡王路公

礪礪山木不翦樵門不閉公因暇日觀視原野直南一里所得

響山焉兩岸聳峙蒼翠對起其南得響潭焉清泚可鑿篠桐澄

重修安徽通志卷四十六 輿地志 古蹟 甯國府

澹又其南則博敞平夷灑漫逶迤從古之隄地是邦之休利目
與心會閭然自得述以條陳實蒙報可乃量日力計徒庸闕於
舟中成是夷道揭東西兩亭於雙峯之上相距百步華軒峻宇
皆據勝勢廣廈疏寮可棲瀟灑氣碧山互目清流在下跨以虹梁
抵茲近邇因其爽塏乃列營署度野以步度堂以筵上棟下宇
各有區處規地之廣袤分左右營部焉牙門新軍而下左至八
右至七既而左次莽平采石之師與宴設堂又在廣場閉館
葆繁帶可以閱軍實可以容宴豆度羨材則不費因悅使則不
勞異之申命師之畜眾楚莊之莞居衛文之楚邱得其時制而
不頌也官業盡在於是受初師所處在郡之北偏地沕墜下水
泉沮洳積弊不遷介大病焉至是則修武備建長利興寢得安
其室處坐起以觀其習變而公又饗士於斯娛賓於斯公之心
泰則神王神王則中和旁達士體甯則氣全上下疾治在此物也
夫然則不出楹階俎豆之閒而威儀交修上下疾治在此物也
以公之平粹淑均天資吏師昔嘗四部符一司武皆有利益屬
於州壤及是則貴為元侯疏以大封推心術而行千里所繇屬
城而流於支郡程功底績觀發知智亭與營之制宜乎哉前賢
之以循政聞者有矣而遺於是豈後公之為而裕斯人也凡由
此塗出者東南抵於飲西南抵於涇肩摩鼓擊往復自便絕東
谿有浮橋過西亭得蓮池觸類滋長皆為絕境公以鄙夫春秋
之徒也繪而傳焉使實錄於石

沃洲亭在府城東十里會勝寺側宋時建取唐李白五松何清

幽勝景美沃洲之句

景梅亭在府城南宋梅堯臣祠墓之左府志云知府范吉建謝公亭在府北郭外卽謝朓送范雲之零陵處亭之西昔人卜築其中扁曰企賢兵火後廢唐李白謝公亭詩謝公離別處風景每生愁卽指此也

環波亭在府城北濠上宋郡守邵飭命名梅聖俞有詩云今吾太守樂副此邦人望

巢林亭在府治宋施元長父煥隱居石子礪有巢林亭梅堯臣數爲賦詩

曲肱亭在宣城縣西二十五里桃花源宋張貴植亭讀書處與地紀勝有黃魯直題宛陵張待舉曲肱亭詩

澄江亭在宣城縣北三里宋紹興中太守秦梓取謝朓句而名

開禧初郡守陳瀟更修改名練江

齊雲亭在甯國縣東南山門宋梅堯臣與宣城簿張獻民刻詩
其上名人題詠頗富

化洽亭在甯國縣東南唐乾甯中令范傳真建沈顏有詩

三友亭在涇縣泊西宋翰林左泰成建嘗與邑中七賢遊憩紹
定間重修有記

蒸霞亭在涇縣舊泊北宋魏杞建亭旁植桃取唐韓愈種桃處
處惟開花川原遠近蒸紅霞之句而名

煙雨亭在涇縣西寶勝寺前枕山面溪煙雨如畫亭爲明初建
東峯亭在涇縣西劉遺民釣臺之側唐永泰中李廣琛討洞寇
方清真客於亭上適告捷御史中丞袁修賦詩刻石紀其事後
裴丹於荊棘中得斷碑有袁修二字因名其石爲袁石又洪武

宣城志云在白雲寺舊傳溜于琴送客之所唐永泰元年二月
江西御史中丞李廣琛嘗至涇水於舊址創亭明年秋中丞袁
修招討江淮回軍屯涇賓僚宴亭上賦詩紀事今石刻存焉後
人更名李公亭

眾樂亭在太平縣東南宋嘉祐間邑令孫覺建

芙蓉亭在太平縣黃山芙蓉峯下汪澤民有記

六勸亭在太平縣東南五里松岳寺宋治平初邑令周景賢建
作文勸民其條有六曰行孝悌務農桑向儒學興廉遜崇信行
近醫藥

巖公臺在宣城縣西南四里相傳巖子陵嘗釣於此下臨響潭
淵深數十丈梅聖俞詩云上過桓彝宅下經巖子臺臺西舊有
窺翠亭宋天聖中建梅聖俞命名勒記於石

望霞臺在南國縣西五里唐貞觀初建

劉遺民釣臺在涇縣西三里今白雲寺前水滸有釣磯存焉洪

武宣城志云在賞溪西岸白雲潭之上遺民蓋隱君子即與陶

淵明慧遠宗雷陸修靜輩十八人廬山結白蓮社者嘗為柴桑

令後棄官釣魚於此按碧湖雜記劉遺民名程之字仲思遺民

詩桑

放歌臺在涇縣西五十里藍山為李白放歌處臺石方竦俯臨

絕澗瀑布飛流水經注安吳縣南落星山有懸水五十餘丈即

此下曰活潑灘灘石嵌空有井井深廣如甕曰煉丹井臺左有

刻石惟天寶十五載三月李白偕汪倫寺僧數字可辨

歃血臺在旌德縣石柱山梁時程靈洗起兵討侯景築壇誓師

於其上

海樞堂在府治唐時建許渾有陪崔尚書宴海樞堂詩

坐嘯堂輿地紀勝在府治疊嶂樓南隅舊曰虛明觀眉刺史鄭薰獨孤霖刻石存焉縣志坐嘯堂舊名清涼

宛陵堂在府治內便廳西宋呂居仁有詩云疊嶂樓前納涼處宛陵堂下採梅時

陵峯堂在府治舊曰重梅梅聖俞文所謂春月民遊遨予命之曰重梅也亭圯梅毀宋紹興中改創此堂

原籓堂在宣城縣疊嶂西宋初榜曰宣城通判徐鉉篆書天聖中郡守江嗣宗更名原籓堂自爲記

資深堂在宣城縣署郭祥正感懷贈李公擇詩君來宣城幕眾謂得良牧我適遊昭亭林中騎白鹿時趨資深堂遇君亦休沐
曲水堂舊名敘情堂在宣城堂後廡宋紹興元年趙師垂以東

水挹注於此遇宴客流觴飲之今扁曰曲水

萬卷堂在甯國縣三十里南屏山琴山閒宋乾道中楊秉讀書處秉故人湯鵬舉入參大政爲印國子監書籍藏其中府志又有玉書案石硯閣今廢又吳隱君道山側亦有萬卷堂遺跡

琴高臺輿地紀勝在涇縣東北二十里琴溪有煉丹處別有岳

名隱雨俗傳琴高控鯉上昇之處或曰此其釣臺也臺下產琴

魚按列仙傳琴高趙人也浮遊涿郡後乘赤鯉入涿水去又山海經載高浮遊碭郡間後入碭水中惟明統志廣輿記諸書

皆以爲琴高涇人客遊碭郡今涇邑山溪多以高仙跡得名或曰此晉蘇耽也以其好鼓琴故以琴高目之

景呂堂在旌德縣簿廳宋紹興中主簿郊升卿以呂誨嘗爲此官故名淳熙末簿滕珙重建兄璘爲之記朱子有詩跋紀其事閱古堂在旌德縣廟首西宋淳祐間呂涇致仕歸理宗御書閱古二字賜之涇歸扁於堂

虞璠宅在甯國縣南五里璠宋侍郎虞儋父也隱居於此
洪永章宅在涇縣舉山下涇舊志相傳父老嘗得其誥敕於燬
燼中碑石上可見者銀青光祿大夫兵部尙書兼上柱國賜紫
金魚袋洪永章敕久列偏裨備彰忠三十字餘皆殘缺惜無歲
月時代可考

李長史宅在涇縣畱村卽今縣治唐陳簡甫良吏記長史名孝
俛自太平長遷於涇後因家焉

滕慶和宅卽旌德縣會勝寺梁丞相滕慶和居此後捨宅爲寺
宋太史龔明有鳧山記詳其事

羅隱宅在南陵縣東南七十里小溪山下昔羅隱居此旁有井
及祠俗號羅家廟

涇于勢故居在涇縣西五里勢南齊明帝時爲相國捨宅爲寺

名凌岳寺後爲興教院有清湍涼風迴溪諸亭閣稱水西名勝
嚴可求故居在旌德縣北十四都嚴家邊嚴可求避徐溫之禍
與郭少保隱居於此

宛溪館在府城東宛溪上後爲宛陵公署唐李白詩吾憐宛溪
好百尺照心明

敬齋在府治西宋紹興中樓炤立

韓昌黎別業舊阯不可考朱子韓文考異云愈有別業在宣城
集內示姪爽自京師之宣城詩有宣城去京國閭里故依然之
句

南湖書塾在府城西四十里南碣湖上貢氏萃美集云元廣陵
侯濬置張養浩諸人題詠

黃顏石室在甯國縣黃顏山頂可容數百人相傳晉永嘉中黃

顏修煉於此

瞿礪石室在甯國縣西三十里文脊山中山有石門一名山門洞瞿礪先生隱居於此洞有瞿礪因以自號桓溫嘗造訪見先生披鹿裘坐石室神色自若溫異之乃命伏滔作頌焉礪字記引何法盛晉中興書云有瞿礪先生不知姓名住宣城文脊山浮邱仙壇在太平縣黃山鄉仙都峯下輿地紀勝舊傳黃帝煉丹於此與浮邱公遊又有浮邱壇伯遊巷鳳皇灘皆其故蹟仙壇在宣城縣麻姑山最高峯舊有丹竈劍池石碁枰釣魚磯天遊亭諸勝蹟世傳麻姑煉丹處

九龍觀在旌德縣舊傳漢永平九年池涌九泉因穿九井

薔薇鳴在旌德縣東旌川志宋狀元劉暉讀書於此

甯國府志
暉作暉

雙鯉塔在太平縣西九十里絃歌鄉高可丈許搖之輒動終不

仆下臨大溪溪有二石狀如鯉與水浮沈雖漲不沒故名

後如洞在宣城縣西三十里唐永泰中寇王萬敵嘯聚於此招討袁愔率師禦之又南國志有厚儒洞事與此同蓋同音而歧載耳

金牛洞在宣城縣南湖北卽雲山洞有巨人跡仰印石上四壁石乳下垂洞口有雲窩二字爲盧維屏所題每歲常有牡丹豔放石間不植自生無定所亦無定數

三天洞在宣城縣東北去郡城五十里輿地紀勝云洞三竅皆見天流澌晝夜不絕

金谷在太平縣治爲元殿撰焦煥炎別墅汪文節澤民題聯云一谷鶯聲偕律呂四時花色譜文章

九曲池在府城北三里唐刺史裴休種蓮爲遊觀所今池僅存

白鶴池在太平縣長壽鄉水北仙壇側有煉丹泉皆存乃寶真
君子明遺蹟子明與弟子安遊本縣至此各別去宋中書舍人
王鑑作仙壇記仙壇屬石埭縣界丹臺丹泉鶴池俱接縣界
袈裟池在太平縣黃山翠微寺內相傳唐僧麻衣浣袈裟處池
水長清不濁乾隆己酉夏暴雨發蛟泥水衝涌寺與池平而池
水澄清如故

謝家池在南陵縣安賢寺側昔人遊詠之所杜牧之有詩李白
遊謝氏山亭卽此地今池廢爲田

金雞井在府城北廣教寺右唐黃檗禪師建寺千閒其樹皆羅
漢松相傳禪師募化安南限樹某日自運至山是日有二金雞
相闢入井松卽隨泉涌出後寺災燬一木尙橫井口

裴公井在府城北萬壽禪院南麓色白味甘獨異他井相傳唐

丞相裴休鑿又一在敬亭山南萬松亭側卽梅都官所謂古石
盜舊基也

孔子井在甯國縣南百里方輿志云孔子入吳所鑿在縣南一

百十里吳地志舊吳興郡安吉縣南界道旁有小井乃孔子入

吳時鑿今屬甯國府

按史記孔子世家及家語諸書孔子未嘗入吳前說似屬附會第諸書相沿已久今

姑存之

瓊仙井在太平縣涇陽鄉澗溪東山下唐荀茂記宋黃庭堅跋

青弋竇字記宣城縣本漢舊縣也屬丹陽郡漢順帝時立宣城

郡於宣城縣按郡國志云故縣地名青弋

按竇字記之說實無所徵未可信

隱巖在郡治有假山舊有小亭曰望倉郡侯於此察廩人出納
後好事者植竹其旁號翠葆淳熙中陳駿疊石爲假山中刻爲
曲徑以通幽步號巖隱其小亭曰揖青

耕鴨在郡城北一名望稔亭宋淳熙中邑令陳騫嘗於此種禾
麥以候農時之早晚且結茅爲小亭扁曰望稔又別置竹籬茅
舍於其側

白龍潭在太平縣黃山芙蓉峯下舊傳黃帝煉丹之所宋末里
人張松谷者聰明博學元至元辛巳遊池陽館於大通鎮忽悟
養真之術遂棄家隱於是辟穀修煉不數年而道成凡人有疾
病者卽掇藥授之無不愈天旱松谷默禱臺上風雨卽至積五
十六年書偈而逝居民卽其地造石浮屠於其中所謂松谷菴
是也至今水旱疾疫禱仍有應云

勇里一名東山戰場在涇縣西北後漢建安中太史慈據涇縣
孫策擊擒之勇里卽此

五橋周密齊東野語劉震孫長卿號朔齋知宛陵日吳毅夫潛

方閒居劉時與之作五橋之遊嘗攜具開宴自作樂語以識其
盛

石鏡在甯國縣西百里石鏡山光可照人黃巢過此照其狀如
猴怒燔之石光久乃漸復元汪澤民有詩

石嶺在甯國縣北古關寨險隘方致堯戰威方何通泰戰紅巾
賊俱扼於此

赤溪在太平縣龍山鄉赤坊廣嚴寺側世傳貞觀中左難當葬
於此神龍中墓有赤氣衝天州縣以聞敕下鑿斷山脈時山迸
流血者八里溪水盡赤故名

磨崖碑在涇縣西七十八里石隴洪頭山上有碑石植立如堵
字多磨滅其可見者曰巍巍法宇聖德靈奇天仙作樂神人護
持猗歟居士博大能洽跡晦巖泉情存佛法挾黃鶴仙帶白龍

水清淨妙義靈寶

虛空一作

至理唐天寶十四載癸巳四月壬申朔

二十八日己亥刻石考涇縣摩崖碑有五一在琴高臺巔唐開元甲子河閒邢巨沛國武平一題詩其下一在縣東四十里硃砂山宋端平二年邑人郭變記一在縣西南九十里石門宋濱熙己卯隱士徐時鑄詩於上一在縣西百里石柱山觀音巖峭壁插天平削如砥

國朝乾隆十八年正月崖崩碑露其字半漫漶可讀者二十八字

文曰時丁丑紹興二十七年十二月記

按文僅十三字

甄塘在涇縣南二里世傳魏甄后所生處

按三國志所載后係中山人此疑附會

雲根石在府一峯山之巔唐李白題雲根二字於其上至今摹揚者不絕

雲龍石坎在太平縣西七十里涇陽鄉高十餘丈頂名雲龍峯

明嘉靖間有王道人居焉今有一坎在山頂大石上深止三寸許大旱弗涸相傳道人飲汲之所

紫陽題石在太平縣長壽鄉獅山有平石丈餘朱子過訪孫觀題秀陰二字勒其上

奇石仙桃在旌德縣境去資福寺二十步許石澗有桃樹不花而實兵備使郝壁設亭於此

竇真君馬跡石與地紀勝甯國府太平縣有馬跡石孔現存舊傳漢竇真君垂釣於此洪武宣城志竇真君垂釣於此得一魚剖其腹得丹篆靈符因此得道石高一丈馬跡入石深數寸當潢潦漲溢此石不沒若浮於水面者亦一異也

巨人跡在旌德縣東鳧山又有馬跡石搗藥臼龍潭石相傳竇子明女化青鳧飛去在此